

KAHIÁ:TON TSI IAKOIANERENHSERÁ:IEN NE KÉNTON IÉ:NAKERE.
Kahiá:ton tsi iakoianerenhserá:ien ne kénthon lé:nakere.

3(1) Akwé:kon ne rothiatonhserá:ien ne ahonhtentiá'te ne
thonnonkwe'tá:ions rontientákhwa orihwí:io enhonnón:ni tsi
enhatirihwakwé:nienste nahò:ten rothianerenhserá:ien tánon enhatí:reke ne:

TSI ROTÍ:IEN NE AHONWATIRIHWAKWÉ:NIENTE

1. Ratikwé:kon ne e'tho ratí:teron iah thénon tewatsterístha oh
naeia'tó:ten, oh ní:ioht tsi taiehwatsiratá:tie, ka'nón:we
nitiakawé:non, oh naionhsohkó:ten, tsi naiakorihò:ten, ne ken'
iená:kere, nahò:ten tiakawehtákhwen, oh ní:ioht tsi
ionnonhtón:nions, ónhka rón:kwe, iakón:kwe tóka ní' ó:ia, tsi
na'teikaohseriiá:kon, iakoniá:kon tóka ní' iah, tsi naiehwatsirò:ten
tóka ní' thénon iakononhwá:ktani.
2. Akwé:kon ne e'tho ié:teron aierá:ko tsi ní:ioht tsi aiakonhnhé:tie
tánon aiontatkwé:nienste tsi ní:ioht tsi ierá:kwas.
3. Akwé:kon ne e'tho ié:teron iakoianerenhserá:ien aiontiá:taren ne
thénon ia'takarirhwaién:ta'ne.

IAKOIANERENHSERÁ:IEN NE TÓHSA AIEIÉ:SHA TÁNON
ASHAKONATEN'NIKÓN:RAREN

4. Akwé:kon ne e'tho ié:teron iakoianerenhserá:ien ne tóhsa
ashakotiié:sahte.
5. Akwé:kon ne e'tho ié:teron iakoianerenhserá:ien tóhsa
ashakotiié:sahte ne rothiatonhserá:ien tánon ne rothií'ote.

IAKOIANERENHSERÁ:IEN NE KWAH IOIÁ:NERE TSI
AIONTÓNHNHAHTENTI

6. Akwé:kon ne e'tho ié:teron iakoianerenhserá:ien ónhka taiethá:ren
ne ronnonhá:a'k skátne, aiontatenatahré:nahse ónhka í:ienhre,
tánon tóhsa ónhka aiontahonhsatá:te nahò:ten rothitharákhwen.

7. Akwé:kon ne e'tho ié:teron iakoianerenhserá:ien ne aiontenro'serón:ni tánon aiontiá:taren nahò:ten ioterihwahtén:tion tsi nón:we niié:teron.
8. Akwé:kon ne e'tho ié:teron iakoianerenhserá:ien ónhka skátne atiá:tien tóka' tetsá:ron tiaská:neks, tánon tóka' ionáktote.
9. Akwé:kon ne e'tho ié:teron iakoianerenhserá:ien tahnitháren ronnonhá:a'k skátne ne iatatró:na, tóka ni' ónhka'k akó:ren tsi nón:we ne kwah ronnonhá:a'k.
10. Akwé:kon ne e'tho ié:teron iakoianerenhserá:ien ne ónkwe skátne, tsi niiakorihò:ten, karihwiióhston tóka ni' thénon óia, ne kwah tsi niiakokwé:nion, tánon ahontsnié:nion ne ohén:ton iehón:nete aiéhsere nahò:ten ionská:neks tánon kwah tsi naiakokwé:nion.
11. Akwé:kon ne e'tho ié:teron iakoianerenhserá:ien tóhsa aiotterónhton tánon aiotkweniénston tsi ié:teron.
12. Akwé:kon ne e'tho ié:teron iakoianerenhserá:ien ne iaieiá:ken'ne tsi nón:we tóhsa aiotterónhton aiontiá:teron tsi nitiá:wens ne átste, iah ki' tóka' iah tshiekaié:ri tsi niiakota'karí:te.
13. Akwé:kon ne e'tho ié:teron iakoianerenhserá:ien aiontienawáhste tánon aiaké:nehste, karahstá:nion, kanónhskon ié:iens tsi niió:re ne tóhsa aiotterónhton tánon tsi nahò:ten ne ronatiá'ke rotiiianerenhserá:ien.
14. Akwé:kon ne e'tho ié:teron iakoianerenhserá:ien ne akaónha aionterihwatsté:riste tsi nonkwá:ti ne akohwísta tsi niió:re ne iakokwé:nion.
15. Akwé:kon ne e'tho ié:teron iakoianerenhserá:ien tsi ní:ioht ne onkwehshón:'a

IAKOIANERENHSERÁ:IEN NE KWAH É:NEKEN TSI
TASHAKOTÍHSNIE'NE TÁNON AKAÓNHA IA'TAIKORIHWAÍÉN:TA'SE
NE THÉNON

16. Akwé:kon ne e'tho ié:teron tkarihwaié:ri tsi nón:we naie'terón:take, kakhwí:io tánon taiontátsnie'ne tsi ní:ioht tsi kari'wanón:tha.
17. Akwé:kon ne e'tho ié:teron iakoianerenhserá:ien aiontathró:ri ónhka iakoterihwaién:ni tánon ónhka teniontátsnie'ne.

18. Akwé:kon ne e'tho ié:teron iakoianerenhserá:ien ne akaonhá:a'k tsi nón:we taiontátsnie'ne tánon thénon ierí'wanóntha teiotenhontsóhon.
19. Akwé:kon ne e'tho ié:teron iakoianerenhserá:ien ne:
- i. aiontiá:taren ne thénon ia'tahotirihwaién:ta'se, tahontahatikaén:ion tánon tahatité:ni tsi ní:ioht tsi teiontátsnie,
 - ii. tóka' aierihwanónwe'ne tóka ni' aierihwáia'ke tsi nahatí:iere, tóka' tsi nikaianerenhseró:ten wentá:on enhonwanahronká:ten ahatirihwanonwe'ne tóka ni' ahatirihwá:ia'ke ne ahonwatiríhon,
 - iii. kwah tokén:en tsi iontiá:taren ne thénon ia'taiakorihwaién:ta'se tsi ní:ioht tsi taiontátsnie'ne, tóka ni' ia'taiakorihwaién:ta'se aiontaweia'te, aonsaieia:ken'ne tóka ni' ákte nón:we iaonsahshakotí'teron, tánon akaónha ia'taiakorihwaién:ta'se tsi naho'ténshon rónnehre, tánon
 - iv. aieie:na ne kahiatón:nion tsi naiakoia'tawénsheke tsi ki' ní:ioht tsi kahiá:ton ne *Personal Health Information Protection Act, 2004* kari'waséhton tsi ki' nikaianerenhseró:ten, tánon aón:ton ahotitó:kenhse ne raonata'karitáhtshera aorihwá:ke tánon tsi ní:ioht tsi tahonwatíhshnie'ne tsi ki' nihatiiérha.
20. Akwé:kon ne e'tho ié:teron iakoianernehserá:ien ne tió:konte tsi skénnen aká:hake tsi ní:ioht tsi teshakotíhshnie, ashakotiié:nawa'se aiakota'karí:teke, ako'nikón:ra, tsi nonkwá:ti ne skátne ne akohrénshton tánon skén:non aionnonhtonnión:heke, ashakotiié:nawa'se takenithá:ren ne teiakóhshnie tóka ni' akó:ren aiontatsnié:non nahò:ten ierí'wanóntha.
21. Akwé:kon ne e'tho ié:teron iakoianerenhserá:ien ahonwatihón:karon atenró:sera, kahwà:tsire, ne teiontátsnie tóka ni' akó:ren aontá:ien ne tsi ié:teron, skátne ahontkenní:sa ne ohén:ton ié:iete tóka ni' e'tho rotiió'te.
22. Akwé:kon ne e'tho ié:teron iakoianerenhserá:ien aiontatia'tará:ko ne ónhka akwé:kon aiakotokenhsehá:tie tóka' tashakonananatáhkwa'te, tóka ni' tsi teshakotíhshnie niá:ien, óksa'k ashakotihró:ri ne tsi ní:ioht tsi iontatia'tará:kwen.
23. Akwé:kon ne e'tho ié:teron iakoianerenhserá:ien ashakonaten'nikón:raren tánon ashakotiié:nawa'se oh naiá:wén'ne aiekwé:ni aiontatia'takénhnhwa kwah tsi ní:ioht tsi iakokwé:nion.

24. Akwé:kon ne e'tho ié:teron iakoianerenhserá:ien ne tóhsa aontashakonanonhtón'se, tsík kwah í:ken tsi kari'wanóntha tsi nikaianerenhseró:ten tánon ne kari'wanóntha tsi ní:ioht tsi wá:ton ne Kaianerenhsera.

Saten'nikón:raren: Né:ne wenhniserá:te akarihowanáhton tsi enhonwaná:ton ne Lieutenant Governor, paragraph 24 ne subsection 3 (1) ne Kaianerenhsera é:ren rotihawíhton ne aontaiontatanonhtón'se tánon khé:ren'k rón:ton “aontashakonanonhtón'se” “énska tsi nón:we nashakoti'teron”. (Skaén:ion: 2021, c. 39, Sched. 1, s. 203 (3))

25. Akwé:kon ne e'tho ié:teron iakoianerenhserá:ien ashakonaten'nikónraren tánon tho nahatí:iere tsi nihatiié:ra ne ohna'kén:ke tsi nón:we ieshakoti'terons.
26. Akwé:kon ne e'tho ié:teron ne iaiehé:ions tóka ni' kwah í:ken tsi iakononhwá:ktani iakoianerenhserá:ien e'tho ahonné:sheke ne kahwà:tsire tánon atenró:sera 24 nenkahwistá:e'ke ne sewenhni:sera.

SAIANERENHSERÁ:IEN AIESAHRORIIHÁ:TIE, AHSATSNIÉ:NON TÁNON ASHEHRÓ:RI NAHÒ:TEN IAH TESERIEN'TÍ:IOS

27. Akwé:kon ne e'tho ié:teron aiakotokenhsehá:tie akahiátonke ne thénon tsi nikaianerenhseró:ten tóka ni' tsi nihatiiérha tsi nonkwá:ti ne nahò:ten shakotiiénawá:se ne e'tho ié:teron akorihwá:ke, tánon tsi nenhshié:re thénon ashehró:ri nahò:ten iah teserien'tí:ios.
28. Akwé:kon ne e'tho ié:teron iakoianerenhserá:ien aiontiá:taren ne leté:ron Ratitséhaiens.
29. Akwé:kon ne e'tho ié:teron iakoianerenhseraien aié:ron ne thénon iah teiakawerien'tí:ios tóka ni' tahatité:ni tsi nihotiiianerenhseró:ten tánon tsi ní:ioht tsi shakotiiénawá:se tsi nonkwá:ti ne akaónha tóka ni' akohrénschon ahonwatihró:ri ne ohén:ton iehón:nete tánon tóhsa aiotterónhton ne akorihwá:ke ashakonatiéskwen, ashakotikén:ron ne akaónha tóka ni' ónhka akó:ren:

i. ne leté:ron Ratitsénhiens

ii. ne Kahwatsí:re Ratitsénhaiens.

iii. ne rohiatonhserá:ien tsi rohtentiá:ton tóka ni' tóhka nithonatenró:hon, ohén:ton iehón:nete tánon ne thonnónhtons,

tánon ne tsi niká:ien ne karihwanonhwé:on tsi nón:we ne Part IX, raiá:tare ne ronaterihwahtentiá:ton raotitióhkwa ne section 135 tóka ni' raiá:tare ne ronaterihwahtentiá:ton ne section 128 tóka ni' 132.

iv. rotiió'té:nion raotitióhkwa.

v. kakoráhsera aonkwe'taó:kon.

vi. ónhka ne akó:ren ne e'tho tóka ni' átste ne tsi teteshakotíhshnie.